

DEO OPTIMO MAXIMO VNI ET TRINO, VIRGINI DEIPARÆ  
ET SANCTO LVCAE ORTHODOXORVM MEDICORVM PATRONO.

QVÆSTIO MEDICA  
CARDINALITIIS DISPVATIONIBVS MANE DISCVTIENDA  
IN SCHOLIS MEDICORVM, DIE MERCVRII XVIII. MARTII,  
M. PETRO HOMMETZ, Doctore Medico, moderatore.

*An singulis mensibus repetita semel ebrietas salubris ?*

94

N

ATVRÆ vitam debemus, vitæ suauitatem & diuturnitatem. *Arti Medice*: quæ naturâ sæpè ipsâ superior, deficientem sustinet, errantem dirigit & emendat, nihil aut malè operanti mirâ succurrit industriâ, eandem similibus & dissimilibus fouet ac tuetur, vt *contrariis*. Conferuanda vitæ spes omnis, posita est in rerum non naturalium vsu tempestiuo, mediocri, ordinèquæ à diuino dictatore præscripto, quibus corpus diutissimè sanum, Tithonia senectuti, satque tandem reddimus. Sed inter illas, cibi & potus potior habenda ratio, cuius vtriusque par est necessitas. In perfectè sanis, naturæ ferè totum negotium conceditur, à quâ sumendorum tempus expèctatur: aliis, modum viuendi salutare & idoneum præscribere oportet. Neque semper appetentiæ fidendum, quæ non rarò maior vel minor est, quàm optanda sit. Cibi penuria, famè, siti, potus inopia percipitur. Priorem sedat alimentum, ex solis viuentibus depromendum: posteriorem aqua, vna necessarius, communissimus & omnibus salubris potus, nullo ætatis, temporis, sexûsque discrimine: cuius tanta vis ad sanitatem & morbum, vt illius longè grauior & nocentior, quàm aut æris aut alimentorum mutatio, iure habeatur. Optima quæ palato grata & iucunda, nullius coloris, saporis, odoris particeps, ciuissimè permeat & stomacho nullum negotium facessit, inter omnes fluuialis. Aliæ potioris species, non minus explendæ fami quàm sedandæ siti ab arte excogitata, plurimum voluptatis, minimùm necessitatis seruiunt: quarum propterea vsus, *serè abusus est*, cui Medici prudentiâ, modus adhibetur salubris, vt omnis coëreatur intemperantia: quæ vel semel admissa non mediocriter nocet, repetita grauius malum & morbos insanabiles parere consuevit.

M

ORTIS immaturæ sed meritis parens gula, omni bello pestique fauor, eò plures occidit, quò fortius ex insidiis, inter epularum delicias, nihil tale cogitantes, aut metuentes sed incautos adoritur: roburque ab alimentis pluribus, diuersis malè questum, deiicit & resouit. Et licet victus tenuis & exquisitus sit paulò plenior deterioris, sanique ac robustius, tam exactam sancire vidus legem iniquum videatur, quam variam experiri non displicet: cauendum tamen à repletione, quæ naturæ semper inimica & grauis, primæ coctioni vim infert & labem inurit posterioribus vix eluendum. Satiatus est cibus non expleri, sed eosbis quòque die, lautior tamen cenâ, sumere: carnes piscibus antepone, præparatione magis vt necessariâ quàm iucunda, quâ fami ac siti lenocinia quæruntur & irritantur: ita: liquidos concoctique faciles præcedere, sed consuetudinis habitâ ratione, quæ paulò deteriores minus graues facit. Neque semper omnia sana sanis. Qui secus fecerit temeritatis pœnas luet, durâque variâ ægritudine multâ feret. Ad potum maiores & potentiores plerisque illecebras voluptas suggerit, cuiusque indigentiam, natura longè fert acerbis: haustus ille tamen vt facillè implet, ita nihil in corpore imperitium reperit, & quascumque vires nactus est, inimis visceribus ac medullis, insinuat & recondit: quibus sensum deprauatus animus, felicitatem quærît ac delicias vbi laboris & infortunii metus omnis subest.

H

INC voluntaria isthæc dementia & insania, quam ebrietatem appellamus. Est autem actionum animalium maximè principum læsio, ex recens ingesta potioris alimentaria, vapore & viribus excitata. Putâ Vini, Pomacei, Cereuisiæ: quæ dum faucibus & linguae arident, sensumque suauitate titillant, fumis nebulosis copiâ, qualitate, crassitie, motuque incondito & inordinato fauientibus, cerebrum & mentem percellunt ac feriunt: hinc *χαμεῖλαι* etiam belluis ignota; quam edormire & exhalare fas quidem, nullis autem lacrymis quanquam tum vltro fluentibus expiari. Non omnes persequè inuadit, neque ab omnibus æqualis. A Vino citior, acutior: à Pomaceo, diuturnior: aliis propter eximias quas obtinuit in tuenda sanitate, vitæque prorogandâ vires, non cedit Pomona Baccho: à Cereuisiâ omnibus ferè natutis noxia, deterior. In biliosis liquor vini amicissimus, rixas, contentiones, mouet: sanguineos ad ineptias, iocos, venerecunditatem, melancolicis, terrores incurit & stertus ciet: vt pituitosis sopores & veterum. Ita se ad potatorum genium componit, eorumque induit mores ad tempus, vinum *ποσειδων*: in quo veritas, Bacchi tripode designata; & libido, Pyrrhioi nuptiis comprobata; vbi autem summa sunt omnia, hebetudo ac stupor animi & corporis atque omnium facultatum clades, quam plerumque labor, inedia, iracundia, præseruida viscerum intemperies, accerunt vel adaugent: vt ante passum meri potus si præsertim non paulatim & quasi rorantibus poculis, sed affatim infundatur. Qui capite sunt exiguo, densiore, cerebro calente vel infirmo, vt *μεγαροβόλοι*, vino citius obruuntur, an albo, quàm rubro: an mulceo, quam vetere vehemētius? Neque tamen soli cerebro vis inferitur, nulla facultas suo damno caret, nulla pars libera manet & immunis, vbi que casus, vbi que virium exolutio, à quibus nulla speranda sanitas. Quid si iteretur mensibus singulis, ille cyphorum confictus? equidem coniurare in suam perniciem, Christiana lex vetat & ciuilis: & perpauci à nimia potatione bellè habent.

P

OTVLENTORVM vsus salubris, vel tuendam sanitatem spectat vel restituendam: vtrobique excessum fuge. Nihil ad flammam oleo accommodatius, quo redundante etiam lucerna extinguitur: quodque nimium naturæ infensum, quæ nec satietatem nec famem sine damno sustinet; grauiore tamen vbi multa & repentina fit mutatio. Repletio ea molestissima & periculosissima, quæ plures partes obsidet ac labefactat, calorem natium obruit, auocat, rapit, cunctatur diutius, nec facillè citòque elabitur: qualis illa est, ex qua sequitur ebrietas, cuius effera vis & effrenata, funesto morborum satellitio, in fontes seuit: hinc Cardialgia, Anorexia, Ephialthes, Obstructiones contumacissimæ, hepatis inflammatio & atonia: Febres, Tussis, Cephalalgia, Deliria, Aphonia, Comata, Conuulsiones, Paralytes, Epilepsia, Apoplexia, Arthritides, mors denique ipsa dum humores fermentant, cuncta exurit viscera, labefactat, tabefacit. An fortè inedicamento singulis mensibus semel vsurpando salubrior ingluuius, quæ scorpionis in morem proprium virus proliciendo, alienum expellit? caue credas. Quòd plerique medicamentorum vires promiscuè experiri audeant, malè est: quòd his frequenter assuecant, certisque periodis, deterius: pessimè, si nullus humorum, temporis, loci, personarum, delectus habeatur: nefas, grauioribus morbis, leuioribus elidere & vacationibus symptomaticis irritatâ naturâ, criticas anteuertere & salutare. Suus cuique remedio sique defini. us agendi modus, nullus ebrietati & crapula, quæ naturæ facultates conuellit semper, cuius & sup-  
plicium est, violento & præcoci fato non rarò infame.

N

IHIL tam iucundum aut salutare, quod in prauos vsus perniciosè flecti non possit, & planè periculo careat. Vbi vitæ fomes, ibi malorum omnium & lethi ipsius seges reperitur. Vino si quis probè vitur, quid suauius? quid salubrius? ab eo robur & voluptas; Alexiterium illud est & Pæonium pharmacum quouis auro, margaritis, lapide Bezoartico, ceterisque cardiacis longè potentius: mirandum Nepenthes. Quanquam nonnullis in vindictam & penam concessum, quos dum alacriores, breuiorem vitam facit: pueris, adolescentibus, biliosis, putum venenum, quasi à Diplade aut Tarentulâ inflatum. Morbis calidis & sæpe frigidis, funestum: noxium vbi que, maximè verò si largiorum potum sequitur ebrietas, cunctis metuenda, mulieribus tamen perniciosior quam viris. Cuius remedium frustra in corollis, vnguentis, pulmone veruecino, hircundinum rostris, tabaco, croco, punice, Amethylo lapide & Dionysio quares. Iuare creduntur Raphanus, Brassica, amygdalæ amara, oleum, saccharum, vinum ipsum, licet anceps præsidium: Caput minus ferit & tentat diluim, percolatum, refrigeratum, non tamen innoxium. Vnicum est, idque certum & indubitatum remedium: lentæ prophylacticum & amethyllum, inculpatæ valetudinis amor & sobrietas: quâ nulla aduersus Bacchi illecebras firmior armatura, nulla securior: quæ elusibus feris naturam satietentem & penè assidua repletionis vulneribus languentem curat. Sic vnus dici, quouis mense, indictum Vespasiano ieiunium, mitis profuit. Caue interim à picatis vini, vel calce, sulphure, spiritu vini, Moscho, Ambaro, aromaticis, & similibus medicatis, variâ liquorum permixtione confusione quæ nocentioribus, quibus cerebrum facillè afficitur, & reliquæ partes contabescunt. Multò celerius, cum ad nocentissimam qualitatem accedit & copia: quæ sædâ vini proluuie, nihil non maculatum relinquens, & à rationis imperio mortales procul amouens, dementes facit, infraq̃ pecudum fortem abiectos: hinc languor, stuporque sensuum omnium & propè irreparabilis virium iactura & casus: vbi potissimum recreandæ naturæ, nouâ ebrietatis accessione, occasio præcipitur: ac singulis mensibus recurrit *ἐννοχία*, non solum intemperato fatalis, conuiuentibus noxia, sed posteris quoque perniciofa, cum proles, si qua suscipitur, secundâ valetudine gaudere non possit.

*Non ergo singulis mensibus repetita semel ebrietas salubris*

Proponebat Lutetiæ PETRVS MORIAV Parisinus, A. R. S. H. M. DC. XLIII.

Bygi